



Broj: 02-03-106-3/20
Sarajevo, 23.01.2020. godine

U skladu sa odredbama člana 90. Zakona o javnim nabavkama („Službeni glasnik BiH“, broj: 39/14), člana 28. stav (4), u vezi sa članom 57. Pravilnika o javnim nabavkama roba, usluga i radova Kantonalnog stambenog fonda Sarajevo, broj: 02-02-331/2019 od 18.03.2019. godine, člana 2. stav (3), u vezi sa članom 7. Pravilnika o postupku direktnog sporazuma Kantonalnog stambenog fonda Sarajevo broj 02-03-54/20 od 09.01.2020. godine, Odluke o pokretanju postupka javne nabavke usluga-Nabavka usluga zaštite objekta, broj: 02-03-106/20 od 21.01.2020.godine, te u skladu sa ovlaštenjima iz člana 14., u vezi sa članom 16. Statuta Kantonalnog stambenog fonda Sarajevo (u daljnjem tekstu: Fond), broj:02-169-2/2006 od 16.02.2006. godine i broj 01-1344-5/2012 od 27.07.2012. godine, Direktor Fonda, kao ugovorni organ, **donosi**

O D L U K U **o direktnom sporazumu**

I

Zaključuje se direktni sporazum sa ponuđačem „Unilab“ d.o.o., Drinska 70, Sarajevo, za nabavku usluga –Nabavka usluga zaštite objekta, za potrebe Fonda, a prema prema opciji A- usluga monitoringa i interventne službe iz Ponude, broj: AM-13-2-1/20 od 21.01.2020.godine.

Jedinstveni rječnik javne nabavke je: 79713000-5- Usluge na području sigurnosti.

II

Nabavka iz člana 1. ove odluke vrši se u skladu sa odredbama člana 90. Zakona o javnim nabavkama BiH („Službeni glasnik BiH“, broj 39/14) i Pravilnika Fonda o postupku direktnog sporazuma broj 02-03-54/20 od 09.01.2020. godine.

III

Vrijednost ove nabavke na godišnjem nivou iznosi 840,00 KM bez PDV-a, a sredstva su namjenjena za pružanje 24 satne usluge monitoringa, protivprovalne zaštite i nadzora objekta Fonda.

Finansijska sredstva za realizaciju ove nabavke obezbjeđena su Finansijskim planom Kantonalnog stambenog fonda Sarajevo za 2020. godinu, a vode se na Ekonomskom kontu broj: 5508 – Troškovi nabavke usluga zaštite objekta.

Plaćanje će se obavljati na žiro račun Ponuđača na osnovu ispostavljenih faktura koja su izdate u skladu sa odredbama pozitivnih propisa iz oblasti poreza.

IV

Za realizaciju ove odluke zadužen je Odjel za pravne i ekonomske poslove Fonda.

V

Odluka stupa na snagu danom donošenja, a primjenjuje se od 01.01.2020. godine do 31.12.2020. godine i objavit će se na web stranici Fonda.

Obrazloženje

Postupak javne nabavke usluga putem Direktnog sporazuma pokrenut je Odlukom o pokretanju postupka javne nabavke usluga-Nabavka usluga zaštite objekta, broj: 02-03-106/20 od 21.01.2020.godine.





Istraživanjem tržišta zahtjev za prijedlog cijene upućen je firmi „Unilab“ d.o.o Sarajevo. Odjel za pravne i ekonomske poslove Fonda je zaprimio i analizirao ponudu Ponuđača, te konstatovano sljedeće:

- da je Ponuđač „Unilab“ d.o.o. Sarajevo, dostavio Ponudu, broj: AM-13-2-1/19 sa dvije opcije usluga i to: opcija A- usluga monitoringa i interventne službe i opcija B- usluga tehničkog održavanja i servisiranja;
- da ukupna godišnja cijena za usluge monitoringa i interventne službe iznosi 840,00 KM bez PDV-a (70,00KM bez PDV-a mjesečno);
- da jedinstvena cijena usluge tehničkog održavanja i servisiranja iznosi 100,00 KM po jednom pregledu od ukupno dva (2) pregleda godišnje;
- da su usluge tehničkog održavanja i servisiranja fakultativnog karaktera;
- da je ponuda Ponuđača ocijenjena prihvatljivom i da odgovara traženim zahtjevima specifikacije iz poziva za dostavu ponude.

Imajući u vidu navedeno, a posmatrano sa stanovišta trenutnih neophodnih potreba ovog ugovrnog organa, kao Naručioca, ocijenjeno je da mu je prihvatljiva opcija A iz Ponude – Usluga monitoringa i interventne službe, dok predložena opcija B- usluga tehničkog održavanja i servisiranja iz predmetne ponude, kao opcija fakultativnog karakera, nije proritetno potrebna ovom pravnom licu u trenutnim okolnostima.

U postupku donošenja ove odluke cijenile su se činjenice da je Ponuđač dostavio ponudu koja je tražena u pozivu za dostavu ponude, te da je Fond, Naručilac zadovoljan cijenom i kvalitetom ponuđene usluge.

Slijedom naprijed navedenog, primjenom člana 90. Zakona o javnim nabavkama BiH, te člana 2. stav (3) u vezi sa članom 7. Pravilnika o postupku direktnog sporazuma odlučeno je kao u dispozitivu Odluke.

POUKA O PRAVNOM LIJEKU: Protiv ove odluke nije dozvoljena žalba.

Dostaviti:

- „Unilab“ d.o.o.Sarajevo
- Odjelu za pravne i ekonomske poslove
- U evidenciju,
- U a/a

